



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXVI. Casus notabiles ex dictis superiori capite deciduntur.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

rez, Basilius, Pontius, Rota Romana, & Doctores passim contra Henriquez, Rodriguez, Texedam, & quosdam alios. Et ideo Urbanus VIII. in litteris sub forma Brevis anno 1624. datis ad Officialem Voletanum, nullum declaravit matrimonium duorum, ex induito ejusdem Pontificis contractum, qui in petitione solùm exprefserant tertium gradum, cùm noscent se etiam in secundo gradu junctos. Sic refert Barbosa in suis decisionibus l. 1. voto 3.

Dixi, in eadem petitione: dum enim 300 plura impedimenta concurrunt, secundum stylum Curiæ, non sufficit exprimere unum in una petitione, alterum in altera, diverso tempore unum sine altero exprimendo. Ita Doctores communiter contra Navarrum, Henriquez, Rodriguez, Vegam, Petrum Ledesmam, & Salas. Quorum sententiam improbabilem cenfet Diana p. 1. tract. 10. resol. 39. & p. 10. tract. 11. resol. 44. in fine. Hoc enim pacto utraque dispensatio sic postulatur, & impetratur, quasi unum dumtaxat impedimentum tempore impetratae dispensationis subefset; cùm tandem duo reverà intercederent, quæ si simul exponerentur, nulla fortasse dispensatio concederetur: eo quod dum simil concurrunt, unum quasi vinculum fortius, & difficilioris solutionis constituant.

Collige 3° dispensationem adhuc esse nul- 301 lam, si dum duo intercedunt impedimenta diversa, majus exprimitur, tacito minori, super quo facile dispensatur, tametsi super eo Pontifex dispensasset, si utrumque exceptum fuisset. Quia equidem dispensatio super minori concessa non fuit; utpote non postulata.

Collige 4° cum Pyrrho Corrado (contra Perez & Tamburinum) obesse valori dispensationis, si per errorem scribaste esse consanguineum sponsæ tuæ in secundo gradu, cùm sis solùm in tertio; vel si per errorem scriperis tertium gradum consanguinitatis, pro tertio gradu affinitatis. Quia cùm non postulaveris dispensationem super impedimentoo quo es innodatus, sed super alio (licet majori) quo non es innodatus, non es dispensatus super impedimentoo, quo reverà es innodatus. Quamvis enim Pontifex faciliter dispensasset in tertio, quæ in secundo, vel faciliter in tertio gradu affinitatis, quæ in tertio consanguinitatis, si impedimentum secundum rei veritatem propositum fuisset. Hic & nunc tibi non prodest. Quia equidem non dispensavit, eo quod ipsi propositum non fuit.

Collige 5° obesse etiam valori dispensationis, si quis, obtentæ semel dispensatione super impedimentoo criminis, in idem reincidat, & dispensationem iteratè petat, non facta mentione prioris dispensationis. Cùm enim mentio prioris dispensationis de jure fieri debeat L. 3. Cod. de Episcopali au-

tionem, etiam dum Pontifex, eo non tacito, eam adhuc concessisset, tametsi difficultius cap. *Si motu proprio* de præbendis lib. 6. Dum vero per simplicitatem, vel ignorantiam tacetur id quod de jure vel stylo non debet exprimi, tacetur ex ignorantia iusta; ideoque subreptio ex ea proveniens non vitiat dispensationem, licet eo expresso Pontifex difficultius dispensasset. Ita ille n. 69. cum Glossa, Calderino, Felino, & Canonistis passim, quibus in hac materia dispensationum, juris humani, magis quam Theologis credendum: cùm materia ista magis ad iplos spectet; ut pote pendens ex sacrorum Canonum peritia.

297 Cum iisdem etiam n. 10. & seqq. ibidem generatum ait, subreptionem dolosam, seu procedentem ex fraude, vel malitia, non ex simplicitate, vel ignorantia, in totum vitiare rescriptum, si subreptio sit circa ea quæ tangent substantiam vel formam rescripti, etiamsi subreptio non fuerit causa induciva, seu motiva totius rescripti, sed partis dumtaxat; imò etiamsi Pontifex reiscriptum, seu dispensationem alias concessisset, inquit n. 17. & 33.

Subreptio vero non dolosa non vitiat rescriptum in totum, sed eam tantum partem, cuius fuit causa (vel induciva, vel impulsiva, juxta supra dicta) ibidem n. 24.

C A P U T X X X V I .

Casus notabiles ex diëlis superiori capite deciduntur.

298 Collige 1° nullam esse dispensationem, si Oratores dixerint se conjunctos quarteto consanguinitatis, vel affinitatis gradu, cùm tertio le contingenter, sive dolo id dixerint, sive ex probabili ignorantia facti. Quia eiusmodi ignorantia excusat potest à culpa, sed efficerre nequit, ut super tertio gradu dispensatio concessa fuerit, super quo ne quidem petitâ fuit. Ita Doctores communiter. Et certè stylus Romanæ Curiæ vult exprimi proximiorem consanguinitatis, vel affinitatis gradum, sub poena nullitatis. Nec mirum, quia quod gradus est proximi stipiti, gratiam reddit maiorem, difficilioremque, ad quam proinde causa gravior requiratur.

299 Collige 2° dispensationem esse nullam, si (dum duo invicem juncti sunt inæquibus gradibus, ex dupli stipite, v.g. in secundo ex uno, & tertio ex altero stipite) solùm exprefserint gradum remotiorem. Ita etiam Doctores communiter. Patetque ex eo quod isti solùm petierint, solùm proinde obtinuerint dispensationem in uno consanguinitatis impedimento, cùm reverà innodati essent dupli impedimento. Quoties vero plura impedimenta, etiam unius generis, concurrunt, debent sigillatim in eadem petitione exprimi, sub poena nullitatis, ut habet stylus Curiæ, docentque Sanchez, Pe-

audientia, subicentia illius, est subicentia ejus quod de jure debet exprimi. Igitur secunda dispensatio subreptitia est, & nulla. Ita Doctores communiter.

³⁰⁴ An idem dicendum, quoties dispensatio, in eadem materia, prius obtenta fuit? Respondeo affirmativè, quandocumque prudenter conjectur, Principem vel non concessum, vel difficultius concessum secundam, si recordaretur primam concessisse. Quia omne tacitum, quo expressio Princeps gratiam vel non concessisset, vel difficultius concessisset, secundum iura & Doctores apud Fagnianum suprà, reddit rescriptum subreptitium, & nullum. Qui etiam ad cap. *quam* de Constitut. n. 8. generatim affirmat, atque ex variis juribus probat, in litteris, seu rescriptis gratiae, nisi secundæ faciant mentionem de primis, esse ipso jure nullas.

³⁰⁵ Collige 6°. quòd nulla sit dispensatio super matrimonio contrahendo inter cognatos vel affines, in cuius petitione expressus non fuit incestus prævius, si inter ipsos intervenerit. Quia de styllo Romanæ Curiae necessario exprimendus est, tametsi cum ignorantia impedimenti commissus. Quòd si cum scientia commissus fuerit, non sufficit simpliciter exprimere incestum, sed neesse est exprimere, quòd commissus fuerit cum scientia impedimenti, addendo etiam, quòd taliter commissus non fuerit spe facilius consequendæ dispensationis. Si enim hac spe commissus fuisset, id ipsum quoque exprimendum foret. Nec enim solet tunc concedi dispensatio, ne hac spe homines alliciantur ad peccandum. Et idèo dispensatio, juxta stylum Curiae, non intelligitur concessa, nisi sub hac conditione: modo incestus non sit commissus spe facilius consequendæ dispensationis. Pro cuius majori certitudine per litteras dispensationis injungitur delegato, ut ad dispensandum non procedat, nisi recepto ab Oratoribus juramento, quòd sub spe habendæ facilius dispensationis incestum hunc non commiserint.

³⁰⁶ Collige 7°. ut dispensatio super cognationi spirituali valida sit, exprimendum esse unde hæc cognatio orta sit. Si enim inter Oratores intercederet filiatio spiritualis, ed quòd alter alterum de sacro fonte levasset, longè difficultius esset dispensatio, quam si sola inter ipsos spiritualis compaternitas intercederet. Imò non solent Pontifices super filiatione spirituali dispensare: quia id existimant indecorum ac scandalosum. Cumque tempore Gregorii XIII. eam, casu occurrente, Congregatio annuendam censuisset, Gregorius XIII. annuere noluit, prout videre est apud Fagnanum ad cap. fin. de cognat. spirituali, ubi addit quidem post tempora Gregorii XIII. in ea aliquando, ob doctis incompeteniam, dispensatum fuisse; non tamen.... quod aliquando factum est, sed quod

fieri debet, est spectandum, inquit Fagnanus ibidem.

In postulatione etiam dispensationis, su- ³⁰⁷ per impedimento cognationis spiritualis, incestus prævius, si fuerit, exprimendus est. Sic enim de styllo Curiae notoriè receptum testatur Pyrrhus Corradus l. 8. dispensat. Apot. c. 8.

Collige 8°. quòd ut dispensatio super ma- ³⁰⁸ trimonio, cum impedimento dirimente nulliter contracto, valida sit, si cum conscientia impedimenti contractum fuerit, istius scientie mentio necessariò facienda sit. Et si cum eadem scientia non solum contractum, sed & consummatum fuerit, id etiam sub pœna nullitatis exprimendum est. Nec omitenda expressio, quòd ignoranter contractum fuerit, negligetis solemnitatibus in contrahendo matrimonio requisitis, si reverè neglectae fuerint. Quia in triplici illo casu, vel nulla, vel difficultior esse debet dispensatio, secundum Tridentinum scilicet 24. c. 5. Ait enim: *Siquis int̄ gradus prohibitos scienter matrimonium contrahere presumperit, separetur, & spe dispensationis consequenda careat; idque in eo multò magis locum habeat, qui non tantum matrimonium contrahere, sed etiam consummare ansus fuerit. Quod si ignoranter id fecerit, si quidem solemnitates requiras in contrahendo matrimonio neglexerit, eisdem subjiciatur pœnis. Non enim dignus est qui Ecclesie benignitatem experiarum, etiam fastidiosa præcepta temere contempserit. Si vero solemnitatibus adhibitis impedimentum aliquod postea subesse cognoscatur, cuius ille probabilem ignorantiam habuit, tunc facilius cum eo, & gratis dispensari poterit.*

Et idèo Pontifices, Concilii Tridentini ³⁰⁹ Decreto se conformantes, cum iis qui scienter cum impedimento dirimente contraherent, nonnisi summa cum difficultate dispensant: ed quòd ipsos judicant tali dispensatione indignos; & quia facilitas dispensandi causam tribueret delinquendi. Quapropter Clemens VII. apud Corradum ubi supra c. 3. decrevit, quòd imposterum cum illis, etiam si consummaverint, non intendet dispensare, sed illos, scandalis quæ oriuntur possile formidarentur, minime attentis, omnino separari mandabit. Similiter Paulus IV. (apud eundem ibidem.) *Dispensatio ejusmodi ex preteriti predicto (gravium utique scandalorum ex divorcio) etiam si proles ex matrimonio sic contracto subsecuta fuerit, nullatenus, sed solum ex causa urgentissima, pro bono publico, & à jure considerata, per nos tantum, & non alium approbanda, conceditur quod nobis licere non patimur, nostris Successoribus indicantes.*

Collige 9°. regulariter non valere dispensationem in forma pauperum nuncupatam, nisi postulantes verè sint pauperes, deque labore, & industria sua tantum viventes. Quia tenor rescripti, quo talis dispensatio conceditur, juxta stylum Curiae (cui Pon-

tifex se conformare præsumitur) talis esse confuevit: *Titum & Cajam prædictos, qui pauperes & miserabiles existimantur, ex labore & industria sua tantum vivunt, &c.* Igitur dispensatio in forma pauperum regulariter non conceditur, nisi talibus pauperibus, non autem honestis, & mediocres reditus habentibus, quibus honeste familiam suam, saltem cum aliquali labore, ac industria sustentant. Paupertas vero ab utraque parte allegari, & in utraque verificari debet. Quia sic exigit stylus Romanæ Curiae, qua numquam aliter dispensat. Unde cùm in aliqua Nuntiatura aliquando dispensatum fuisset, non attentâ qualitate divitiarum alterius contrahentis, sed tantummodo paupertate unius illorum, Innocentius X. per litteras circulares, de hoc gravissimè conquestus, omnibus Nuntiis suis significari voluit, ab ipsis dispensari non posse in hujusmodi casibus. Sic à quadam stylu Nuntiature Lucernensis peritissimo sibi rescriptum fatetur Gobat in Theol. experiment. de Sacram. tr. 9. n. 666. Qui etiam n. 660. addit, quòd cùm Nuntius quidam dispensasset cum duobus rusticis, tanquam pauperibus, quorum unus habebat in bonis immobilibus quatuor millia scutorum, altera mille, uterque tamen rusticanos labores obibat. Re ad Curiam Romanam delata, inde acceptum est responsum, tales habendos non esse pro pauperibus.

³¹¹ Putat quidem Gobat n. 656. feminam habendam pro sufficienter paupere, in ordine ad dispensationem in forma pauperum, quae non habet tantam dotem, quanta confuevit exigi, ad habendum virum paris conditionis extra cognitionem, & affinitatem suam. Sed incompetenter dotis ipsomet stylus Romanæ Curiae distinguit à paupertate: cùm inter reliquias formas, quibus committere solet dispensationem in forma pauperum, ipsem Gobat n. 662. referat hanc: *Cum eiusdem, si vere pauperes, & Catholici sint, & rationabilis aliqua causa intercedat, v. g. dotis minus competentis, etiam dispenses.* Eadem distinctio fit in Brevi Innocentii X. quod refert n. 587.

³¹² Collige 10°. dispensationem super voto castitatis, in ordine ad matrimonium ineundum, regulariter non valere, nisi dum moralis impossibilitas servandam castitatem verificatur in eo qui votit. Cùm causa, ob quam concedi solet talis dispensatio, in rescripto allegari soleat hæc: *Quod Orator ita stimulis carnis agitetur, ut continentiam servare non speret, ac properet à matrimonium contrahere desideret.* Moralis vero impossibilitas illa non verificatur in stimulis illis agitato, qui neglexit media ad servandam castitatem ab eo adhibenda, cuiusmodi sunt frequentia orationis, ad impetrandum continentiae donum, vitatio occasionum, corporis macerationes, ad corpus spiritui subjiciendum, &c. Neque enim vere dicitur impotens ad servandam

castitatem, qui per media ad id ordinata, castè vivere posset, si vellet; sed ideo efficaciter non vult, quia media ad id necessaria adhibere non vult. Cùm talis potius dicendus sit nolens servare castitatem, quād impotens ad eam servandam.

Collige 11°. dispensationem subreptitiam, ³¹³ nullamque esse, quando in supplica adferatur unica illius causa, eaque falsa. Et idem est si due, una vera, & altera falsa, sic tamen ut quælibet ad dispensationem insufficiens sit. Quòd si ex pluribus causis sufficientibus unica sit vera, eaque taliter sufficiens, ut Pontifex ob eam solam dispensare soleat, valet dispensatio. Quia plures causæ ejusmodi, licet copulativè allegatae, disjunctivè movere solent Pontificem, juxta cap. jam dudum de præbend. ubi dicitur quod quando plura copulativè narrantur, que de jure necessaria non sunt, copulativæ in disjunctivam resolvuntur. Plurium vero causarum, disjunctivè se habentium, sufficit alteram esse veram, ut rescriptum non censeatur subreptitium. cap. inter ceteras de rescript.

Quòd si in supplica allegatum sit, feminam, defectu dotis, manifuram innuptam, nisi cum ea dispensetur, & verificetur quidem ipsam manifuram innuptam, non tamen defectu dotis, sed ob aliam causam, v. g. infamiam, deformitatem, grandævam ætatem, &c. probabile est, validam fore dispensationem: utpote cuius causa finalis est, ne femina alioqui maneat innupta. Quod dum verificatur, parum referre videtur an id proveniat ex defectu dotis, an alia ex causa. Quia verificatur equidem causa finalis. Neque enim defectus dotis in supplica allegatus fuit tanquam causa finalis, sed tanquam movens Pontificem ut credit causam finalem subsistere, feminam utique manifuram innuptam. Quod cùm sit verum, causa finalis allegata in supplica, vera est, non falsa. Ita cum aliis Diana p. 10. tr. 11. resol. 42.

An autem valida sit dispensatio, in cuius ³¹⁵ rescripto Pontifex erravit in nomine personæ cum qua dispensavit, v. g. exprimendo nomen Petri, pro nomine Pauli? Respondeo cum communī affirmativè. Quia satis constat voluntatem Pontificis esse dispensare cum supplicante, sive eo pro quo supplicatum est, quidquid sit de ejus nomine: nomina quippe significandorum hominum gratiâ recepta sunt, qui si alio quolibet modo intelligentur, nihil interest. Instit. de legat. §. sequis in nomine.

Similiter arbitror Ordinariū supplicantis, sive ejus pro quo supplicatum est, validè dispensare, dum Pontifex in rescripto erravit, ponendo v. g. Episcopum, vel Officiale Atrebatense, pro Cameracensi. Quia ex ordinario stylo satis constat, voluntatem Pontificis esse, ut Ordinarius supplicantis, vel ejus pro quo supplicatum est, dispenser,

sive

sive Ordinarius ille sit Cameracensis, sive Atrebatenis. Deinde ratio, quæ probat Ordinarium valide dispensare dum erratum est in nomine supplicantis, similiter probat ipsum validè dispensare dum erratum est in nomine ipsius Ordinarii. Quia sicut ibi, sic hic parum est de nomine, cum aliunde Ordinarius sufficienter intelligitur. Ita Salas, Amicus, Bonacina, Portellus, Pontius, Sanctarellus, & alii contra Sanchez, Perez, Villalobos, &c.

³¹⁷ Collige 12°. statum aliquem, seu matrimoniale, seu Ecclesiasticum, mediante dispensatione, non facile assumentum. Si enim revera non subfit causa Deo probata, verendum, ne dum status Ecclesiasticus vel matrimonialis, contra canonicas regulas, ipso inspirante conditas, assimilatur, Spiritus sanctus, cuius regulæ temere negliguntur, subtrahat gratias, & benedictiones statui illi ritè obeundo necessarias.

³¹⁸ Enimvero, sola utilitas aut necessitas Ecclesiae, ex dictis præcedenti capite, causa est ad id sufficiens, Deoque probata. Se vero Ecclesiae adeò utilem vel necessarium existimare, ut contra ordinarias Ecclesiae regulas ad statum Ecclesiasticum dispensative ascendere debeat, periculo præsumptionis non vacat; præserim cum extraordinaire divinæ vocationis indicia necessaria sint, ut (non obstantibus ordinariis signis non vocationis, ob canonicum impedimentum, Ecclesiae divinitus inspiratum) prudenter judicet se hinc & nunc vocatum. Unde S. Bernardus (occasione ordinationis S. Malachiae, ante ætatem tunc temporis requisitam) *Siquid* (ait in vita Malach. c. 3.) *præter Canonum formam processisse videtur, donandum sanè, tum zelo ordinantis, tum meritis ordinati.* Ego vero nee in sancto redargendum, nec usurpandum consulo ei qui sanctus non fuerit.

³¹⁹ Sed & ad statum matrimoniale, mediante dispensatione, contra Ecclesiasticas regulas licet assumentum, non solùm requiritur causa revera sufficiens (de qua sibi homines saepissimè blandiuntur) sed & tam multa ad validam dispensationem, juxta modernum Curia stylum, necessaria sunt, ut omnia rariū verificentur, quam multi putent; ac per consequens matrimonia illa saepius Deo probata non sint. Quod & non rarò infaustus eorum exitus ostendit. Quæ omnia quisquis ad stateram justam appenderit, dicet fortasse cum Cantipratano I. 1. de Apib. c. 19. n. 9. *Quis sapiens erit, & sibi super dispensatione aliqua blandiatur?*

C A P U T X X X V I I .

Etiam per privilegium humanae legis obligatio relaxatur.

³²⁰ **P**Atet ex definitio privilegii: *Privilegium est constans & durabilis gratia, ali-*
Tom. II.

cui persona, vel parti Communitatis concessa, contra vel preter jus commune.

Dicitur 1°. *constans & durabilis gratia.* ³²¹ Quia in eo differt à dispensatione, quod haec regulariter sit ad unum, vel paucos actus, vel certè ad modicum tempus; privilegium autem ad plures actus, & ad multum tempus, in quo imitatur naturam legis. Nec mirum, quia est lex quædam privata. can. *privilegium dist. 3.*

Dicitur 2°. *alicui persona, vel parti Commun- 322 natis, ad distinctionem legis communis, quæ toti Communitatii fertur.*

Dicitur 3°. *contra vel preter jus commune.* ³²³ Quia, ut bene Fagnanus ad cap. olim de verbis significi. ubi scriptum est *jus commune*, à quo Princeps aliquem eximit, exemptio ita propriè est *privilegium*. Et ita sumitur in toto titulo de *privilegiis*. Patet ergo, per *privilegium juris, seu legis communis, obligacionem plerūque relaxari*. Nec tamen *privilegium semper est exemptio à jure communi*: quia non semper supponit *jus commune* jam esse scriptum, sed aliquando ab initio conceditur, nondum scripto seu condito jure, seu lege communi, ut cùm ab initio Princeps aliquibus concedit *jus aliquod*, quod non concedit omnibus. Ideo ergo *privilegium non semper est contra, sed aliquando præter jus commune*. Unde

Privilegium dividitur 1°. in *privilegium contra jus, & privilegium præter jus*. Istud non derogat juri communi, & amplè est interpretandum. Illud vero derogat juri communi, ab coequo eximit alios præ aliis. Et ideo Doctores passim illud reputant odiosum (quia omnis recessus à jure communi, est odiosus. cap. 1. & 2. de fil. Præsb. L. 6. & cap. *cum dilecto de consanguin. & affinit.*) ac per consequens stricte interpretandum, juxta illud, *odio restringenda*. Quod tamen Sylvester, Tiraquellus, Suarez, & alii communiter dicunt non procedere in *privilegiis*, quæ contra jus concessa sunt in favorem causæ piæ, ut *privilegium canonis si quis suadente in favorem Ordinis Clericalis, & privilegia Religiosorum, quæ privilegiatissima vocat noster Lezana consulto 40. n. 102. quia (præterquam quod summa ratio est, quæ pro Religione facit. L. sum persona ff. de relig. & sumpt. funer.) privilegia Religiosorum remuneratoria sunt, utpote Religionibus concessa, propter earum merita, seu obsequia spiritualia, reddita Ecclesiae, ut Pontifices in Bullis suis saepè declarant. Sunt igitur concessa in favorem causæ piæ: ideoque ampliari debent, tamquam favorabilia (cùm favendum sit pietati) non restringi ut odiosa. Nisi cedant in *præjudicium tertii*: tunc enim odiosa censentur. Rota Romana divers. decif. 432. p. 1. Menochius de recuper. poss. remed. 4. n. 38. Si tamen verba *privilegii* sint clara, tunc fit lata eorum interpretatio, etiam in *præjudicium tertii*, qua-*

G